

Predsjedničko pomilovanje ne može se koristiti kao političko sredstvo

Visoki predstavnik Paddy Ashdown uputio je danas pismo predsjedniku Federacije BiH Niki Lozančiću, u kojem je zamolio gospodina Lozančića da objasni navode koji su se pojavili u štampi o tome da je predsjednik Federacije BiH pomilovao Miroslava Prcea, osuđenog 2004. godine na zatvorsku kaznu od pet godina zbog zloupotrebe javnih sredstava. Visoki predstavnik je tražio od gospodina Lozančića da objasni razloge za ovakvu odluku, ukoliko su medijski izvještaji tačni. Visoki predstavnik zamolio je gospodina Lozančića da na njegov zahtjev odgovori do petka, 19. augusta.

U svom pismu visoki predstavnik navodi kako je gospodin Prce priznao krivicu i odgovornost za krivično djelo koje je rezultiralo preusmjeravanjem miliona KM javnih sredstava za nedozvoljeno korištenje, uključujući korištenje u lične svrhe. Za ovo krivično djelo zakonom je predviđena maksimalna kazna od 15 godina zatvora. Međutim, zahvaljujući dogovoru o priznanju krivice i prihvatanjem kazne od pet godina zatvora, gospodin Prce je uspio izbjeći mnogo dužu zatvorsku kaznu. Predsjedavajući sudija je u pismenoj preporuci upućenoj ranije ove godine istaknuo kako bi bilo "potpuno neopravdano" ukoliko bi gospodin Prce bio pomilovan.

Odluka predsjednika Lozančića prouzrokovala je zabrinutost u javnosti da su organi vlasti Federacije BiH poništili presudu suda BiH, te time i zakonski sporazum između suda i Tužilaštva.

Visoki predstavnik je u svom pismu izrazio zabrinutost zbog činjenice da je "dvoje viših zvaničnika HDZ-a Šgospodin Lozančić i ministrica pravde Federacije BiH Borjana Krištoć

zloupotrijebilo zakon o pomilovanju u političke svrhe,” te je izrazio slijedeće mišljenje – “siguran sam da ćete se složiti sa mnom da je u ovakvim slučajevima neophodna maksimalna transparentnost kako bi se stvorilo povjerenje javnosti u vladavinu zakona.”

Korištenje ovlasti predsjednika Federacije BiH kako bi se umiješao u predmet Suda BiH u vrijeme kada je državni zakon o predsjedničkom pomilovanju u izradi, situacija je koja samo pojačava percepciju u očima javnosti da su političari iznad zakona i predstavlja kršenje temeljnog principa vladavine zakona: da su pred zakonom svi jednaki.

Nakon što dobije odgovor predsjednika Federacije BiH visoki predstavnik će odlučiti o poduzimanju daljih mjera.